

Na osnovu člana 4. Pravilnika o kriterijima, načinu i postupku raspodjele sredstava iz granta za projekte za mlade ("Službeni glasnik Grada Tuzla", broj 12/16), Služba za ekonomski razvoj i društvene djelatnosti Grada Tuzla, **dana 27.11.2017. godine**, objavljuje:

**JAVNI POZIV
za dodjelu finansijskih sredstava na ime podrške projektima za mlade**

I Predmet javnog poziva:

Predmet Javnog poziva je odabir za realizaciju projekata omladinskih udruženja sa sjedištem na području grada Tuzla upisanih u spisak omladinskih udruženja Grada Tuzla iz sljedećih prioriternih oblasti:

- okoliš
- kultura
- sport
- obrazovanje
- društveni angažman mladih
- socijalna zaštita
- infrastruktura i dr

U Budžetu Grada Tuzla za 2017. godinu, obezbjeđena su sredstva za podršku projektima za mlade u ukupnom iznosu od 23.000,00 KM.

S obzirom da sredstva sa pozicije „Grant za projekte za mlade“ nisu u potpunosti dodjeljena po Javnom pozivu objavljenom 12.09.2017. godine, preostala sredstva u iznosu od 8.210,00 KM biće dodijeljena putem ovog javnog poziva.

Grad Tuzla zadržava pravo da ne dodijeli sva dostupna finansijska sredstva.

Namjenskim budžetskim sredstvima Grada Tuzla zainteresovani aplikanti mogu sufinansirati projekat kojim apliciraju, a dio sredstava mogu osigurati od drugih donatora.

Po odobrenom projektu može se dodijeliti maksimalno 3.000,00 KM.

Rok implementacije odobrenih projekata je 6 mjeseci od dana zaključivanja ugovora.

Odobrenim budžetskim sredstvima aplikanti mogu finansirati administrativne troškove i troškove osoblja u maksimalnom iznosu do 20%, dok preostali dio 80%, aplikanti su dužni predvidjeti za programske aktivnosti podržavanog projekta.

II Pravo učešća:

Pravo učešća na Javni poziv imaju omladinska udruženja sa sjedištem na području grada Tuzla upisana u spisak omladinskih udruženja Grada Tuzla do 10.09.2017. godine.

III Prijavna dokumentacija:

Prijava na Javni poziv podnosi se na prijavnom obrascu.

Obrasci/smjernice sa uputstvima za prijavu projekata objavljuju se na oglasnoj tabli i web stranici Grada Tuzla (www.grad.tuzla.ba).

Aplikanti dostavljaju prijave na javni poziv nadležnoj Službi, putem pisarnice Grada Tuzla (Centar za pružanje usluga građanima) i isključivo putem prijavnog obrazca.

Prijava sadrži:

- popunjen prijavni obrazac;
- rješenje o registraciji;
- uvjerenje o poreskoj registraciji;
- transakcijski račun (kopija ugovora sa bankom ili potvrda banke);
- bilans stanja i bilans uspjeha ovjeren kod nadležnog organa;
- projekat kojim omladinsko udruženje aplicira za dodjelu sredstava, s jasnom definicijom ciljeva, ciljne grupe, očekivanim rezultatima, aktivnostima, detaljnom specifikacijom troškova, vremenskim planom provođenja aktivnosti, načinom praćenja realizacije projekta (vrednovanje i mjerenje zadovoljstva korisnika, održivost projekta, te na koji način će aplikant informisati javnost o aktivnostima realizacije projekta);
- za projekte koji se provode u školama dostaviti pisanu saglasnost direktora škole odnosno nadležnog ministarstva.

Aplikant dostavlja fotokopije tražene dokumentacije, u slučaju da projekat bude odobren, originalni dokumenti bit će zatraženi na uvid.

IV Kriteriji za ocjenu podnesenih projektnih prijava

Kriteriji za ocjenu podnesenih prijava su navedeni u Pravilniku o kriterijima, načinu i postupku raspodjele sredstava iz granta za projekte za mlade ("Službeni glasnik Grada Tuzla", broj 12 /16).

V Predaja aplikacija:

Prijave na Javni poziv na propisanim obrascima (sa kompletnom dokumentacijom), u zatvorenoj koverti, potrebno je dostaviti na pisarnicu Grada Tuzla (**Centar za pružanje usluga građanima**) ili poslati preporučenom poštom na adresu:

GRAD TUZLA

Stručna služba za poslove Gradonačelnika i koordinaciju rada gradskih službi

Ulica ZAVNOBIH-a broj 11

75000 Tuzla

sa obaveznom naznakom:

“JAVNI POZIV

za dodjelu finansijskih sredstava na ime podrške projektima za mlade sa pozicije Grant za projekte za mlade u 2017. godini

- Ne otvarati“.

Javni poziv je otvoren **8 dana** od dana objavljivanja, a zaključno sa **05.12.2017.** godine. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka.

Rezultati će biti objavljeni na zvaničnoj stranici grada grad.tuzla.ba.

Sve dodatne informacije o načinu i postupku učešća u Javnom pozivu mogu se dobiti svaki radni dan u Službi za ekonomski razvoj i društvene djelatnosti GradaTuzla, Odjeljenje za sport, kulturu i pitanja mladih ili putem telefona: 035 307 413; te slanjem pitanja na e-mail adresu: mladi@tuzla.ba.